

**Vischnaunca da Mustér**

**Reglament davart il lungatg  
ufficial communal**

**1996**

- Art. 1 Finamira  
2 Denominaziun  
3 Decrets legislativs  
4 Radunonzas e tschentadas  
5 Administraziun  
6 Scolaziun  
7 Inscrizziuns  
8 Inoltraziuns  
9 Contribuziuns  
10 Execuziun e coordinaziun  
11 Vigur

### Art. 1

Finamira

Sebasond sin art. 4 dalla constituziun communal e il romontsch sursilvan il lungatg ufficial dalla vischnaunca.

Quest uorden regla siu diever. El ha la finamira da garantir il diever dil romontsch sco lungatg ufficial da vischnaunca els divers secturs dall'administraziun, dalla scola e dalla preschientscha publica e vul cheutras gidar a mantener il romontsch.

### Art. 2

Denominaziun

La denominaziun en quest reglament vala per personas, funcziuns e mistregns d'omisduas schlatteinas.

### Art. 3

Decrets legislativs

Ils decrets legislativs vegnan redegi en romontsch, en particular:

- a) la constituziun communal
- b) las leschas, ils uordens ed ils reglaments da character general abstract sco era ils decrets e las publicaziuns ufficialas che sedrezzan alla publicitad.

Sche translaziuns en auter lungatgs existan, vala la versiun romontscha sco ufficiala.

### Art. 4

Radunonzas e  
tschentadas

Las radunonzas e tschentadas dils organs communal vegnan menadas e protocolladas en romontsch. Sin damondas e propostas en auters lungatgs nazionals vegn per regla priu posiziun en romontsch.

### Art. 5

Administraziun

L'administraziun succeda da principi en romontsch, en particulars:

- a) la correspondenza, decisiuns e disposiziuns communalas che sedrezzan a personas domiciliadas en vischnaunca;

- b) circularas e communicaziuns che sedrezzan a l'entira populaziun domiciliada;
- c) per regla era corrispondenza ed inoltraziuns allas autoritads cantunalas e federalas ed a lur uffecis;
- d) publicaziuns ufficialas.

### Art. 6

La vischnaunca meina la scoletta e las scolas tenor legislaziun cantunala per scolettas e scolas romontschas.

Scolaziun

La vischnaunca sustegn activitads che promovon l'integrasiun linguistica dils habitonts ella cuminonza.

### Art. 7

Inscripziuns drizzadas alla publicitad e reclamas stablas che pretendan ina lubientscha communal ston esser romontschas.

Inscripziuns

Las vischnauncas san lubir excepziunalmein translaziuns. Lubidas ein era terminologias internaziunalas che selain buca translatar.

Inscripziuns existentas buca romontschas san restar vinavon. La vischnaunca s'engascha denton per che quellas vegnien adattadas el senn da quest artechel.

### Art. 8

Inoltraziuns da persunas privatas u giuridicas domiciliadas en vischnaunca han da principi da succeder en romontsch.

Inoltraziuns

### Art. 9

En connex cun contribuziuns communalas per arranschaments publics animescha la vischnaunca da duvrar il romontsch.

Contribuziuns

### Art. 10

L'istanza cumpetenta e responsabla per l'execuziun da quest reglament ei la suprastonza communal.

Execuziun e coordinaziun

Quella collavura el rom dalla conferenza dils presidents da vischnaunca dil cumin cun las autras vischnauncas per realisar ils postulats da quei reglament.

La conferenza dils presidents da vischnaunca collavura e coordinescha las lavurs tenor al. 2 cun las conferenzas dils presidents da vischnaunca dils auters cumins dalla Surselva sco era cun las instanzas cul medem intent dad autras regions e cun instituziuns per il manteniment dil lungatg romontsch.

### **Art. 11**

Vigur

Quest reglament ei vegnius approbaus en la votaziun all'urna digl 1. da december 1996 e passa immediatamein en vigur.

Il president communal:  
*Simon Camartin*

Il canzlist communal:  
*Francestg Cajacob*